

Ilinniarfeqarfinni ilinniarnerminnik taamaatitsiinnartartut ikilisinniarlugit suliniutissanik siunnersuutininik suliniutinullu Naalakkersuisunit nassuiaasioqquneqarnissaat pillugu Inatsisartut aalajangiiffigisassaattut siunnersuut. Ilinniarfeqarfinni atugarissaarnerup ilinniarnermik taamaatitsiinnartarneranut ikilisinneqarsinnaaneramik misissuineramik nassuiaat immikkoortortaqaassaaq.
(Inatsisartuni ilaasortaq Nivi Olsen, Demokraatit)

Akissuteqaat

(Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siullermeerneqarnera

Naalakkersuisut aalajangiiffigisassatut siunnersuummut Nivi Olsen-imut qujapput.

Inuiaqatigiinni kikkut tamarmik pisariaqartippagut, ilinniakkaminnik taamaatitsiinnartartut pillugit pinaveersaartitsinerit sivisuumik politikikkut suliniutaapput. Minnerunngitsumillu inuusuttorpasuit ilinniakkaminnik aallartitsinikut taamaatitsiinnartartut amerlapput. Qujanartumillu arlaqartut aamma naammassisarlutik. Inuusuttut ilinniarfiini (GUX aamma EUD) massakkut piffissaq eqqorlugu naammassisartut 42 %-iupput.

Taamaatitsiinnartartut pinaveersaartinnissaanut Naalakkersuisut ukkassisorujussuupput, taamaattumillu marlunnik pingaarutilinnik periusissianik saqqummersitsinikuupput (tassa Ilinniartitsinermut periusissiaq aamma Attassinissamut Siuariartornissamullu Pilersaarut 2), ilinniakkamik taamaatitsiinnartarnermut ikilisaanissamut suliniutinik imaqartoq. Tassunga atatillugu naligiissitaanermut isiginnissinnaaneq pingaarnertut ukkatarineqarpoq. Atugarissaarnerup ilinniakkamillu taamaatitsiinnartarnerup ataqatigiinnerat ilisimavarput, taamaammallu suliniutit arlaqartut atugarissaanissamut tunngassuteqarput - assersuutigalugu aqqissuulluakkamik atugarissaarnermut tunngasunik misissuinissamik ineriartortitsisoqassaaq aammalu pilersaarusiortoqassalluni atugarissaannginnermut qisuariartoqarpat. Suliaq aallarereerpoq, tamannalu pinaveersaartitsinermut misilittagaalluartut atualinnginnermi IT-mut atortorissaarutigineqartut (TOPI) tunngavigineqarput.

Ilinniarnernik taamaatitsiinnartarnermut atugarissaartitsiniarnermullu politikikkut sivisuumik ukkatarinnittoqarnerani misissuinerit nassuiaanerillu arlallit pisimapput. Taamaattoqarnerata ersersippaa, taalluaannarlugu, ilinniakkamik taamaatitsiinnartarneq arlalinnik peqquteqarsinnaammat. Unammilligassat ilaat nuna allani unammilligassanut eqqaanarput, ilaatigullu nunatsinnut immikkuullarillutik, suliaqartullu arlaqartut akornanni suleqatigiittoqarnissaanik pisariaqarluni - meeqqap angajoqqaavisa suliffeqarfiillu assigiinngitsut akornanni suleqatigiittoqartariaqarpoq.

Ilinniaqqinnissamik taamaatitsiinnartarnermut atugarissaarnermullu unammillernartunut qitiulluinnartumik nutaamillu ilisimatusarnikkut toqqaveqartumik siunissaq ungasinnerusoq eqqarsaatigalugu atasinnaasumik aaqqiissuteqartariaqartoq. Taamaammat suliaqarfirmi tassani ilisimatusarnikkut Naalakkersuisut periarfissarsiuussapput. Taamaattumik ilinniakkamik taamaatitsisarneq pillugu nassuiaat tassungalu iliuusissatut pilersaarut Naalakkersuisut suliarissavaat, taannalu nalunaarusianik paasissutissanillu pioreersunik aallaaveqassaaq. Nalunaarusiaq ilinniakkamik taamaatitsisarneq annikillisarnerlugu

suliniutiniq allaatigisaqartussaḡ, soorlu inuusuttut angusaqarfigiumasat pillugit suliniuteqarnermik aallaaveqassalluni.

Taamatut oqaaseqarlunga Naalakkersuisut inassutigaaḡ siunnersuut pitsaasoḡ akuersissutigineqassasoḡ.